

Սամարեդ, Վալխուն, Շամշուղա, Բէլլըի Կըլիւն, Շուլավեր եւն. յանձնուած էին վրաց զօրամասերի եւ «Կարմիր գւարդիա» կոչուած բաշխողուկները կամայականութիւններին: Կազմակերպուած բռնադրաւումը, աւազակային թալանը, ծեծը, բռնութիւնը, բանտարկութիւնը եւ կանանց բռնաբարութիւնը համատարած երեւոյթներ էին այդ գիւղերում: Գազանացած եւ գինարբու սրիկաների լրբութիւնները հասան մինչեւ որբանոցները, մինչեւ 10-12 տարեկան, դեռատի աղջիկները (Բէլլըի Կլիւն)...

Այս ամէնի մասին այնքան շատ է գըրուած ժամանակին մամուլի էջերում, որ մենք հարկ չենք տեսնում մտնել մանրամասնութիւնների մէջ: Մեր նպատակն է վեր հանել միայն, որ վերահայ փոքրամասնութեան դէմ սկսուած հալածանքները շարունակուած էին նաեւ հայ-վրացական զինադադարից յետոյ, երբ այդ հալածանքները ունէ «պատերազմական անհրաժեշտութեամբ» արդարացնել չէր կարելի:

* * *

Թէ այս անօրինակ — հայ վրացական անդադական յարաբերութիւնների տեսակէտից գոնէ անօրինակ — հալածանքներն ու ճնշումները ի՛նչ դառն զգացմունքներ ու խոհեր պէտք է առաջ բերէին հանդէպ մի կառավարութեան, որի երեք խօսքից մէկն անպատճառ բնկերվարութիւնն է եղել միշտ, միւսը ժողովրդավարութիւնը, իսկ երրորդը ազգերի համերաշխութիւնը՝ այդ մասին մենք ունինք երկու պերճախօս վկայութիւն, երկուսն էլ հայկական շրջանակների հետ կապ չունեցող:

Մրանցից առաջինը Սոցիալիստ-Յեղափոխականների կուսակցութեան անդրկովկասեան օրգանն է՝ «Նաշէ Զնամին», որ 1919 թ. Յունուար 9-ի համարում, Ժորդանիայի կառավարութեան հասցէին ուղղուած գրութեան մէջ, այսպէս է արտայայտուած Յունուար 5-ի դէպքերի աւթիւ.—

«Առաւօտից սկսած, ժողովրդաշատ գըրլաւոր կենդրոններում, շուկաներում եւ քառուղիների առաջ, հանրային հրապարակներում, Քոբի կամուրջների վրայ, ամենուրեք, զինուորներն ու միլիցիոնները կատարում էին

դանդուածային ձերբակալութիւններ հայազգի քաղաքացիների մէջ: Ձերբակալում էին, ինչպէս հայ-վրացական պատերազմի առաջին օրերին, ծերերին եւ երիտասարդներին, բանուորներին եւ բուրժուաներին, արհեստաւորներին եւ առեւտրականներին: Ձերբակալուածների մէջ կարելի էր տեսնել փաստաբաններ, բժիշկներ, ճարտարապետներ, Սոցիալ-Դեմոկրատիայի եւ Սոցիալիստ-Յեղափոխականների կուսակցութեան ակաւաւոր անդամներ, այլ հոսանքների պատկանողներ, դպրոցականներ, զինադրատներ եւ մինչեւ անգամ ժողովրդական ուսումնարանների սաներ: Բացի սրանից՝ եռանդի եկած միլիցիոնները արշաւներ էին կատարում հայերի տների վրայ եւ դուրս քաշելով տանում արական սեռի գրեթէ բոլոր հայերին:

«Առանց չափազանցութեան կարելի է ասել, որ Թիֆլիսի վարչական իշխանութիւնը եւ վրաց կառավարութիւնը բռնուել էին իւրայատուկ սադիզմով: Այս ամէնը կատարում էր մի տեսակ յափշտակութեամբ եւ ոգեւորութեամբ... Եւ ոչ մի տեղից չէր լսուած «սախայտառակութիւն է» խօսքը:

«Սա խայտառակութիւն է սոցիալիստներուց կազմուած մի կառավարութեան համար, որ իր շարքերում ունի անհատի ազատութեան եւ անձեռնմխելիութեան համար պայքարած վաստակաւոր մարդիկ... Խայտառակութիւն է այսպէս ընդառաջ դնալ կենդանարական ազգայնականութեան պահանջներին եւ այդ ազգայնականութիւնը սնուցանել ու պատասխարել ժողովրդավարութեան եւ սոցիալիզմի դրօշակի տակ: Խայտառակութիւն է, որ օգտագործելով Վրաստանի եւ Հայաստանի միջեւ ծագած զինուորական բարդութիւնը՝ հաշիւներ են մաքրում մի ամբողջ ազգի հետ եւ այդպիսով է՛լ աւելի սրում աղաքին հակամարտութիւնները, է՛լ աւելի հրահրում վրէժի գձուձ եւ գոհճիկ բնագրները:

«Դուք միացնում էք գաղափարի վսեմութիւնը գործերի ստորութեան հետ: Դուք աւելի վատ էք վարում քան Գոլիցինը, Նակաշիձէն եւ Տոմաշովը:

«Եթէ ամէն տեսակի հին բեթիմները՝ յենուելով մեծ մասամբ հասարակութեան